

## Transkription von Urkunde HGW 1381b

Ort, Datierung: Greifswald, 1381-10-28

Signatur: Stadtarchiv Hansestadt Greifswald, Rep. 2 Nr. 155 [\[online\]](#)

Inhalt: Vicko Bere: Quittung und Rentenbrief

Bemerkung: anderes Datum: 27.10.1381

In godes namen amen Jk vicko bere rydder he(n)neke beren zone tũ der lobenisse / be ke(n)ne openbare an dessem breue vor alle de genen de ene zeen edder horen lesen / dat yk na rade vnde vulbort mynes vaders vorb(e)n(omede) vn(de) myner negesten Reddelkes / kopes vor koft vn(de) laten hebbe vor kope ok vnde vor late an dessem breue den erbaren ma(n)=/ne(n) den borghermest(er)en den ratma(n)nen vn(de) der menheyt der stat tũ g(ri)peswold de twe deel / der tũ be horynghe vnde dat druddendel an der rente alle des ghudes . dat her johan dote(n)=/berch . tũ hort hadde vn(de) alze de tũe deel der tũ be behorynghe . vn(de) dat druddendeel der rente / dar na hebben he(n)neke dotenb(er)ghe sine sone tũghe hort jn dessendorpen . mesekenhaghe(n) / bresegher . dũnelsbrũk . halkenitze . grystow . rȳnus . vn(de) kalenberch . yt sȳ an holten in mũre(n) / wat(er)en in wȳschen an weyden an rychte hoghest vn(de) sydest . an pacht an beede an honren ed=/der wo dat ghe nomet sȳ vn(de)meynliken wes he(n)neke dotenberch in deme ghũde had heft / vn(de) vn holde mȳ vnde myne(n) erue(n) dar altes nycht ane vor vyfhũndert mark pe(n)ni(n)ghe . mu(n)=/te dede ghenghe ys dȳ se mȳ bũ reet vn(de) bũ talet hebben tũ eyner nũghe eer desse bryf ghe . gheue(n) ys . Ok scal yk vn(de) wyl dat schykken dat alle dȳ ghene dȳ dar leen ynne hebben . dat / scholen vorlaten vor deme rade tũ grypesw(olde) vn(de) vũrder wor yt den vorb(enomede)n ratma(n)ne(n) nũtte / dũnket . vn(de) yk vn(de) myne eruen scholen vn(de) wȳllen en vn(de) ere(n) nakomelynghe(n) dȳ vorb(enomede)n tũ . / behorynghe vn(de) rente vryen van aller ansprake . vd ghe nome(n) dat vor desser tyt vor koft vn(de) / vor settet yd dat scal stab tũ erer lozynghe vn(de) dar en bũholde yk mȳ nycht ane . vn(de) scolē sȳ scadelos holden van alle den ghenen dȳ zyk wellen an rechte nũghen laten vn(de) zuũderghen dat / Bertram dotenberch dat scal vor laten em tu der hant bȳ(n)nen deme neghesten yare . vn(de) de de he / des nicht so wyl yk vn(de) scal syn hetelke vyant werden vn(de) nu(m)mer syn frunt he en hebbe erst / dat vorb(enomede) ghũd em vor laten vn(de) dȳ wȳle yk syn vyant byn so scal der stad vn(de) deme rade vn(de) / den borgh(er)n tũ g(ri)pesw(olde) open stan wes yk y(n)ne hebbe van sloten . Ok wyl yk vn(de) scal den vorb(enomede)n rat=/ma(n)ne(n) enen ope(n)ne(n) brȳf schȳcken van her marquart dotenb(er)ghe deme prest(er)e vn(de) cord dote(n)berghe / de he(n)neke dotenb(er)ghes zone synt dat sȳ dessen vorb(enomede)n kop scholen vũlborden vn(de) stede holden / vn(de) scholen vppe dat vor be nũmede gũhd nu(m)mer mer saken vn(de) we(n)ne mȳ de rad tu g(ri)pesw(olde) / dar tũ eschet dat ick bertram dote(n)berghes vyant wesen scal . alzo hyr vore screue(n) ys so scal / de rat tũ grypesw(olde) mȳ wedder antwerden den ande(re)n brȳf den yk vn(de)myne louere gheue(n) / hebben vppe de vyfhundert mark pe(n)ni(n)ghe . de bryf scal denne loz wesen . alle desse stücke loue yk van myner vn(de) myner erfname(n) weghe(n) den vorben(omeden) borghermeste(re)n ratma(n)nen / vn(de) meynheyt der stat tũ g(ri)pesw(olde) stede vn(de) vast tũ holende ane jengherleye weddersprake / hulperede edder arghe lyst tũ tughe dess(er) dynk ys mȳn inghezeghel henghet vor dessen / bryf de gheue(n) ys na ghodes bord drutteynhundert Jar in deme een vnde achtenȳ=/ghesten Jahre an demke auende sunte symons vn(de) Jude der hylghen apostope thũ deme / G(ri)pesw(olde) thughe desser vor

screuenen sake synt hynryk lussow de wonet tũ Sultzowe . cla=/wes . he(n)ny(n)gh vnde gherlach  
brũde(re) heten lussow de wone(n) thũ candelyn . b(er)told smalenze / de wonet thũ der swinghe(n) .  
hynryk benekenhaghen de wonet thũ deme beneken=/haghen vn(de) mer lude de ere werdigh syn